

Leipzig, 22. Mai 1564

Von Joachim Camerarius d. Ä.

Druck: Camerarius, Epistolae S. 485f.

S. D. Ante dies 14. dedi litteras ad te cuidam Vngaricae gentis iuueni mihi diligenter commendato ab amicis, quem istuc venisse, tibique illas reddidisse existimo. Has postea addere placuit et committere mercatoribus, qui nobis tamen operam dare saepe grauantur. Sed qui istas recepit, is prolixe policitus fuit. Visum autem est mittere tibi Gregoriana hic edita, admonentia te etiam mentione, vt spero, non inhumana neque ingrata, κατηχήσεως. Utinam concederetur otium ad dialogi quoque περὶ ἀναστάσεως editionem. Quem describi à me prius oporteret, ita in archetypo quod habemus, mirifice implicatae sunt figurae litterarum et scriptura δυσανάγνωστος est. Indies magis autem veterum scriptorum σπουδαίαν ἀκρίβειαν amplector, καὶ γίνομαι δυσχερέστερος πρὸς τὴν τῶν νεωτέρων παραδοχὴν, secundum Basilium, ὅλως τε καὶ τοσαύτης τοῦ γράφειν εὐκολίας ἐπιπολαζούσης. Atque me eodem pono et paro, quemadmodum Plautus ait. Apud nos nihil ferè nunc noui est praeter malos numos, quemadmodum ferunt. Nam ego horum tractare soleo perparum. Caetera antiquum ferè obtinent, in negligentia ἀπάντων τῶν καλῶν, inquue his primis opt[imarum] artium atque disciplinarum et eruditae doctrinae. Sed desino de istis, πέπρακται γάρ. Tu valebis et salutabis istic amicos. Vale. Ioachimus filius meus Norimbergae, vt puto, aliquantis per consistet, quem conciliabis fratri tuo. Etsi iam vt non esset alienus, eum perfecisse non dubito. Iterum vale. Lips[iae]. 11. Cal[endas] Iunij. 64.